



Broj: 01-50-4-986-8/20

Sarajevo, 26. 8. 2020.

Z A P I S N I K

8. sjednice Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine

Sjednica Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine (u daljnjem tekstu: Privremena istražna komisija) održana je 26. 8. 2020, s početkom u 12 sati.

Sjednici su prisustvovali članovi Privremene istražne komisije: Damir Arnaut, Dragan Mektić, Alma Čolo, Zlatan Begić, Mirjana Marinković-Lepić, Branislav Borenović i Mira Pekić.

Sjednici nije prisustvovao član Komisije Zukan Helez.

Sjednici su, također, prisustvovali: Lana Vuletić iz Misije OSCE-a u BiH, Enver Bogučanin iz Sektora za odnose s javnošću, Zijad Hasić, sekretar Ustavnopravne komisije Doma naroda, Goran Masal iz Istraživačkog sektora PSBiH, Sonja Abdulovski, stručna savjetnica u Ustavnopravnoj komisiji Predstavničkog doma, i Igor Bajić sekretar Ustavnopravne komisije Predstavničkog doma koje je Kolegij Sekretarijata Parlamentarne skupštine BiH obavijestio da pružaju stručnu i administrativno-tehničku podršku Privremenoj istražnoj komisiji, te predstavnici medija.

Privremena istražna komisija jednoglasno je usvojila sljedeći:

DNEVNI RED

1. Usvajanje Zapisnika 7. sjednice Privremene istražne komisije;
2. Saslušanje svjedoka pred Privremenom istražnom komisijom:
Miroslava D. Markovića, bivšeg tužioca Tužilaštva Bosne i Hercegovine;
3. Tekuća pitanja.

Ad. 1. Usvajanje Zapisnika 7. sjednice Privremene istražne komisije

Privremena istražna komisija jednoglasno je usvojila Zapisnik 7. sjednice, održane 24. 7. 2020.

Ad. 2. Saslušanje svjedoka pred Privremenom istražnom komisijom: Miroslava D. Markovića, bivšeg tužioca Tužilaštva Bosne i Hercegovine

Predsjedavajući Privremene istražne komisije pozdravio je prisutne i zamolio Miroslava D. Markovića, bivšeg tužioca Tužilaštva Bosne i Hercegovine, da se obrati članovima.

Tokom svog svjedočenja i u odgovorima na pitanja članova Komisije Miroslav D. Marković iznio je svoje viđenje stanja u pravosuđu BiH, Tužilaštvu BiH i Visokom sudskom i tužilačkom vijeću BiH.

Saslušanje Miroslava D. Markovića u cijelosti je sadržano u neautoriziranom transkriptu tonskog zapisa ove sjednice koji je sastavni dio Zapisnika.

Nakon saslušanja svjedoka, članovi Privremene istražne komisije jednoglasno su donijeli sljedeće zaključke:

Privremena istražna komisija traži od Suda Bosne i Hercegovine i Tužilaštva Bosne i Hercegovine da svako, u skladu sa svojim nadležnostima, dostavi:

- Ukupan broj krivičnih prijava- postupanje koje nije rezultiralo podizanjem optužnice ili obustavom istrage dvije godine nakon podnošenja prijave.
- Ukupan broj krivičnih prijava po kojim nije otvorena istraga jednu godinu nakon podnošenja prijave.
- Ukupan broj otvorenih istraga koje traju duže od dvije godine.
- Broj podignutih optužnica koje nisu rezultirale prvostepenom presudom nakon dvije godine.

Ad. 3. Tekuća pitanja

U okviru ove tačke dnevnog reda zadužen je sekretarijat Komisije da stupi u kontakt s predsjednikom Suda BiH Rankom Debevecem, sudijom Vrhovnog suda Federacije BiH Goranom Nezirovićem i sudijom Suda za ljudska prava u Strazburu Harisom Vehabovićem, s ciljem razmatranja najoptimalnijeg datuma za njihovo svjedočenje pred Komisijom, s tim da je sudija Vehabović predložio predsjedavajućem da se putem videolinka obrati članovima Privremene istražne komisije.

Sjednica Komisije završena je u 13.45 sati.

Neautorizirani transkript tonskog zapisa ove sjednice je u prilogu Zapisnika i njegov je sastavni dio.

Sekretar
Privremene istražne komisije
Sonja Abdulovski

Predsjedavajući
Privremene istražne komisije
Damir Arnaut